

RECIT
DE LA MORT
DE
MONSIEVR
LE DVC DE
MONTMORENCY
ET DE CE QVI SEST
LORS PASSE' EN COVR.

A PARIS,

Du Bureau d'Adresse, au grand Coq, rue de la Calandre, sortant au marché neuf, pres le Palais, le 8.
Nouembre, 1632. Avec Privilege.

Case

F

39

, 326

16.32 ps

THE NEWBERRY
LIBRARY



Recit de la mort de
Monsieur le Duc
de Montmoren-
cy, & de ce qui
s'est lors passé en
Cour.

LE Duc de Montmoren-
cy ariva à Thoulouze le

Mercredi vingt-septiesme
du mois dernier passé, & fut
mene en l'Hostel de ville, où
il fut gardé par le sieur de
Launay, Lieutenant des Gar-
des du Corps du Roy, avec
vingt desdits Gardes & cent
Suiſſes du Regimēt. Le mesme
iour, voire incontinent apres
qu'il y arriva, il fut interrogé
par deux Conseillers du Par-
lement députez Commissai-
res à cette fin, à ſçavoir par
les sieurs de Cadillac & du-
Long.

Le leudi vingt-huietiesme
fut procédé aux recolemens

& confrontations des tef-
moins.

Le Vendredi ensuivant le
procez fut veü au Parlement
& eust esté jugé le mesme jour
sans que le Duc de Montmo-
récy enuoya prier Sa Majesté
qu'on luy donnast cette iour-
née pour penser à sa consçien-
ce, & faire vne confession gé-
nerale. Pour quoy faire il de-
manda le Pere Iean Arnoux
Iesuite, qui luy fut mené aus-
si tost.

Le Samedy 30. il fut con-
duit au Palais dans vn carosse
par le Comte de Charluz, Ca-

pitaine des Gardes du Corps du Roy, & avoit pour escorte vingt Gardes du Corps, les Mousquetaires du Roy, quatre compagnies du Regiment des Gardes, trois des Suisses, & le reste des Gardes & Suisses en bataille aux places & carrefours qui sont entre l'Hostel de Ville & le Palais. Où estant il fut ouy sur la sellette par la Cour en la forme ordinaire. Apres quoy il fut remené avec la mesme escorte en la maison de Ville.

Ce pendant il fut jugé par la Cour à avoir la teste tranchée

pour crime de leze Majesté au
premier Chef, ses biens acquis
& confisque au Roy.

Ce que sçachant Sa Majesté,
elle luy envoya demander
par le Comte de Charlus le
baston de Marechal de
France & l'Ordre du Saint
Esprit, qu'il luy rendit : les-
quels furent rapportez a sa
Majesté.

Son Arrest luy fut leu sur
le midy, & fut executé dans
la court de la maison de
Ville trois heures apres.

Ledit iour de Mercredy

vingt & septiesme du passé, le Marechal de Schomberg, fut receu au mesme Parlement en qualité de Gouverneur de cette Province, avec l'applaudissement d'un chacun.

Le lendemain le Marechal de la Force presta le serment entre les mains du Roy, de la charge de grand Maistre de sa garderobe, dont sa Majesté la gratifié pour faire voir la satisfaction qu'elle a de ses services.

Le mesme iour & a mesme

9
me fin sa Majesté à hono-
ré du baston de Mareschal
de France, le Marquis de
Brezé en la place du de-
funct Mareschal Duffiat en-
semble du Gouvernement
des Ville, & Citadelle de
Calais, & pais reconquis.

Auquel jour la devotion
se reloublant par l'exem-
ple, les plus grands de la
Cour voulurent accroistre le
nombre des Penitens bleuz
se messins avec les autres
confreres dans la proces-
sion solemnelle de ce jour la
qui setrouva monter à qua-

tre ou cinq cens.

Ainsi le Roy ayant faict
voir en ce pais les marques
de sa iustice aux vns, de sa
bien vueillance aux autres,
& à tous de sa merueilleuse
conduite, s'apreste pour son
depart par le Limousin, & a
envoyé à ceste fin vn Lieute-
nant du grand Preuost de son
Hostel & plusieurs Archers
pour faire racommoder les
chemins sur cette route: &
entr'autres pour faire vn
pont au lieu nommé Souil-
las sur la riuere de Dordon-
ne.

Sa Majesté devoit partir de Thoulouse le dernier du passé pour aller au Chateau de Frontan, a quatre lieues de la, y passer les Festes de Toussaincts, que la Reine devoit passer à Thoulouze, & dela s'en venir par Bourdeaux, pour faciliter le logement de leurs Cours.

FIN.



